

Un'kaan atàtweb akà Akòlinto Nsema

Pòl kàbwaay u Kòlinto isii a mbul an'kwem an'tyen anà an'kwem an'twen anitār. Nde kàtòŋ Ikoöŋ atàtweb u bul ifàbàim an'swà u Ngelesi. Ntsu' a mbul an'kwem an'tyen aninà, utaan awà nde kà Efeso, nde kàsòn ukaan a bwelàbwel, mutsun ndaa a ngyeb. Ntòn yàkal nsyaäl a Angeleki: baar a Kòlinto bàfàsi naa ngwiiy a möö a Nzam yà uboo a ngyöob a dudu, itàkal unsà an'yeerà.

Ungö mupà mbor, Pòl kàfuur an'toon akà Nzam. Nde kabiil ndaa a un'tüüb anà Klistò. Ntòn mfurà ande, nde wamulab ndaa unsa mbwo mboon.

Yàtätweb, nde ateenà ntòn nkaabà ayà uboo a un'sen. Nkaabà yan'yà unsà an'kyän an'be amà uboo a isal a antööm, ungo, unsà Làsan Anàbwan, kà là ntòn ndaa an'yeerà a imbuur anki, wée yà ntòn mupay Làsan a kulunsi a Klistò.

Mbwo yáyweel yà ntòn mubilà unsà an'kyän a ndaa a ndandaa: Ndaa utà inswem uboo a bor, mukya ntiin u labay a nsan, mukyer ipasase.

Mbwo yàtär yà ntòn mutüüb unsà ngyamàkà anà Klistò, mulab ubwanàbwan nkaäl mubwaay uboo a Ikoöŋ a ngyamàkà, mukal balàbal anà baar banswà, anunaan itàkal anàlambwà.

Mbwo yà ngöngö yà ntön ngwiiyà a aku. Nsemà a ya yanswà yà musà làkwikilà akà Yesu awà kaku anà kàwiyà. Abun, Pól akwen un'tuüb anà mpeel a an'kab ntön atön abaal anà bakaar abà u Yelusàlem. Ntsu' yanswà Pól kàsi Yesu kusà. Akà Klisto nde afàwal ndaa kan'kwo nde mukyer anà mukoon akyer. Mukyà kwel, uboo a Ngelesi, ndür iswanà anki ndür mpel, wée ndür yanswà, baar banswà bà un'tuüb: mbulan'tär, iköön a un'sen. Iswanà naa ndür a Klisto iyàbulà yà làkoo. Pól akwen un'tuüb anàbwan a Klisto anà Iköön.

Mbör

¹ Pól, bun'bel mukal ntööm a Klisto Yesu, unsà ukwen a Nzam, anà un'tön abi Sösten.

² Akà Iköön a Nzam akyà u Kòlinto, akà baar ban'si an'koo unsà Klisto Yesu anà babel mukal anjikyee, mbwo mwey ana baar banswa bafata ikob a Mwol abi Yesu Klisto din, Mwol aba anà wàbi, kà ikal kyanswà,

³ akà be, kab a ngway anà duu byan'fà akà Nzam, Taaràbi, anà akà Mwol Yesu Klisto.

Indiir anàbwan bàwel amu Klisto

⁴ Me in'fàfuur an'toon akà Nzam amé taan lanswà ntön be, ntön kab a ngway a Nzam alá bàlape amu Klisto Yesu.

⁵ Ntön, be làkal amu Nde, bànyayol a in'naan myanswà, amu ndaa yanswà anà amu ngyöob yanswà.

⁶ Imbal akyà bàte ntön Klisto kyanàtsim amu be,

⁷ lalan, akà kab lāmwey là kab a ngway lalaköön anki, apaa làyadilà bε mεey a Mwol abi Yesu Klisto.

⁸ Nde sye ayalapà ngwal tii u ntsüü, ntön bε lāköön akal anà an'pel kà ilā a Mwol abi Yesu Klisto.

⁹ Nzam wà walāā, Nde kàlabel mukal un'tüüb anà Mwan ande Yesu Klisto, Mwol abi.

Nkaabà uboo a Ikööh

¹⁰ Atöj, mε amàlaböön, kà iköb a Mwol abi Yesu Klisto: bε banswà lākāl mun mwey, nkaabà iköön akal uboo a bε. Lākāl bànàtüüb unsà mpem mwey anà unsà an'kyän an'mwey.

¹¹ Abun, atöj amε, baar a ndwà a Klöwε ban'sam naa bε làbye anà an'sye uboo a bε.

¹² Mε in'ten naa: umwey uboo a bε atεenà naa: « Mε, mε in'wà mbuur a Pöl. » Wumwey naa: « Mε in'wà mbuur a Apöls. » Wumwey sye naa: « Mε in'wà wà Sefas. » Wumwey naa: « Mε in'wà wà Klisto. »

¹³ Nkye Klisto wànàkaabà? Nkye Pöl bun'beerà u kulunsi ntön bε? Nkye bε nduümà làwεl kà iköb a Pöl?

¹⁴ Mε an'fuur an'töön akà Nzam naa mε kädüümà anki aka mbuur mwey uboo a bε, na Krispus ana Gäwus mpel.

¹⁵ Kyakin, akà mbuur mwey ukwe anki muten naa baladüümà kà iköb amε.

¹⁶ Aa ndandaa, mε kädüümà sye ywar a Stefanas, mε in'manà anki naa mε káfädüümà mbuur asin.

17 Ntɔn Klistɔ kan'toim anki muduimà, wɛɛ mukyaän Lásan Anàbwan, ukɔɔn alab an'yeerà a ndaa, ntɔn kulunsi a Klistɔ làkɔɔn amena undiir a bunàbun.

Yesu Klistɔ, ngwal anà an'yeerà a Nzam

18 Ntɔn, ndaa a kulunsi yà ukɔɔn akà baar ban'diimà mbwo, wɛɛ akà bi baar ibà u mbwo a ntsweel a mɔɔ, ya yà ngwal a Nzam.

19 Ntɔn bàsɔn naa:

« Mɛ in'yàdwa an'yeerà a an'yeerà,
mɛ in'yàpiy un'yenà a an'un'yenà. »

20 Abun, wàken njan'yeerà? Wàken un'lɔɔn a Un'kɔɔn? Wàken un'yweer a taan alà? Nkye Nzam kàbuul anki an'yeerà a mɛɛn ukɔɔn?

21 Abun, ntɔn mɛɛn, u mbwo a an'yeerà, màyɔb anki Nzam unsà an'yeerà a Nzam, yà unsà ukɔɔn a an'lɔɔn waa Nzam kàtsul mutswà mɔɔ a baar abye anà làkwikilà.

22 Ayudà bàlɔɔmà idiim, wɛɛ Angeleki bàlenà an'yeerà.

23 Wɛɛ bi, bi ifàlɔn Klistɔ bàbɛɛrà u kulunsi, isin a mbweel ntɔn Ayudà, ukɔɔn ntɔn baar mpa abà Ayudà.

24 Wɛɛ, akà baar kàbel Nzam, itàkal Ayudà, itàkal Angeleki, Klistɔ wà ngwal a Nzam anà an'yeerà a Nzam.

25 Ntɔn undiir awà ukɔɔn a Nzam wàjàsɔɔnà an'yeerà a baar, undiir awà gyɔɔlà a Nzam wàjàsɔɔnà ngwal a baar.

²⁶ Laler, aton, be labà banà, be baar lawel mbeel a Nzam: uboo a be, itàkal abyàal mboon u mii a baar, itàkal ahangwal mboon, itàkal baar a ywar anàbwan mboon batey.

²⁷ Wée undiir awà ukon u meen, Nzam kun'sööl nton musà anayeera lingyoomà, undiir a gyöölà u meen, Nzam kun'sööl nton musà ahangwal lingyoomà.

²⁸ Indiiir a bunàbun anà iköön ndon, indiiir iköön paa, Nzam kàsööl bya nton mutyey ntal a indiiir abyà paa.

²⁹ Abun, akà mbuur mwey ukwe anki mukyey uyl kusà a Nzam.

³⁰ Yà u mbwo a Nde waa be labà amu Klisto Yesu, awa kabulà nton bi an'yeera mafu aka Nzam, balabal, un'kyeel anà ntsuunà,

³¹ lalan, asanaa iteenà Ndaa Anàson naa: « Mbuur usàkwen muswan ngaal, wey nde uswen ngaal unsà Mwol. »

2

An'lon a Pol u Kolinto

¹ Aton, me nakwo, mpal kayi me akà be, kà yàkal anki anà uyl a ndaa, itàkal an'yeera mukalakyaän ngyee a Nzam.

² Nton me kàtsul mukoon ayob undiir mwey uboo a be, isàkoon akal Yesu Klisto, anà Yesu Klisto awà bàbeera u kulunsi.

³ Lalan kàkal me sye wàgyöölà anà wàböomà anà wàjàteer kusà a be:

⁴ ndaa amɛ anà an'lonɔ amɛ makal anki anà undiir mwɛy wàntwetweey anàsà kam, wɛɛ makal muswan isal a ngwal anà kyà Dweelà,

⁵ ntɔn làkwikilà abɛ làkɔɔn akal udu a an'yeerà a baar, wɛɛ udu a ngwal a Nzam.

An'yeerà a Nzam

⁶ Apanà sye, bi ifalɔn an'yeerà mwɛy akà baar anàtsim, an'yeerà mpa amà mà mɛɛn mà, itàkal mà ntwasà a mɛɛn mà, abà bàsàyaalà.

⁷ Wɛɛ, bi ifalɔn an'yeerà a Nzam mànjàyee akà baar, amà kàyoŋà Nzam itaan kusà a nkyeer ntɔn làkoo abi.

⁸ Akà ntwasà mwɛy wà mɛɛn mà kàyoɔb anki ma, ntɔn ba bàlàyɔb ma, ba Mwol a làkoo bu-lun'beerà anki u kulunsi.

⁹ Wɛɛ, asanaa basɔn ya naa:

« Indiiir mpa kàmen dii anà mpa kàwem tsu;
indiir mpa kàyweer mbuur u mpem,
indiir kàlɔɔn Nzam ntɔn baar bàfun'kwen. »

¹⁰ Abun, Nzam wa ka imɛɛy u mbwo a Dweelà. Ntɔn Dweelà afàgyool indiir byanswà, itàkal indiir a ngyelàngyel a Nzam.

¹¹ Nà uboo a baar kan'kwo muyɔb indiir abyà uboo a mbuur, naa tɛy dweelà alà uboo ande nàkwo? Ifà imwɛy sye, indiir abyà amu Nzam, akà mbuur mwɛy uyɔb anki, naa tɛy Dweelà a Nzam,

¹² Akà bi, bi kàwel anki dweelà a mɛɛn, wɛɛ Dweelà afàfà akà Nzam, ntɔn bi iyɔb an'kab a kab a ngway a Nzam.

¹³ Waa bi indiir abi sye ifàtèn anki unsà ndaa ifàlɔŋ an'yeerà a mbuur, wɛɛ unsà ndaa ufàlɔŋ Dweelà a Nzam, muten indiir a Dweelà unsà ngɔk ufàpà Dweelà.

¹⁴ Ntɕur a mbuur ufàwàl anki indiir ifàfà akà Dweelà a Nzam. Bya bya ukɔŋ ntɔn nde, nde ukwe anki muyɔb bya, ntɔn bya bàfàyɔb unsà Dweelà.

¹⁵ Kyekà, mbuur awe anà Dweelà afàsyeebà indiir byanswà, nde ɲakwo mbuur mwɛy tɛy kan'kwo mukun'syeebà.

¹⁶ Ntɔn bàsɔn naa:
« Nà kayɔb an'kyàn a Mwol?
Nà kan'kwo mukun'pà an'lwen? »

Kyekà bi, bi ibye anà an'kyàn a Klistɔ.

3

Asyāāl a Nzam

¹ Akà mɛ, atɔŋ, mɛ in'kwe anki muyām anà bɛ asànaa akà baar a dweelà, wɛɛ asànaa akà baar a imbuur, asànaa akà baan ambɛy abà amu Klistɔ.

² Mɛ amàlapà an'beɛl munwà, kà isaa a bwoor anki, ntɔn bɛ lalàkwo anki anà bya. Itakal apanà, bɛ làkwo anki,

³ ntɔn tii lalà bɛ làbà unsà imbuur. Ntɔn uboo a bɛ un'kol anà an'sye ma mwo, nkye nsyāāl abɛ kà yà imbuur anki?

⁴ Mpal ufàtèn mbuur mwɛy uboo a bɛ naa: « Mɛ in'wà mbuur a Pɔl », wumwɛy naa: « Mɛ in'wà wà Apɔlɔs! », nkye abun bɛ làfàkyer anki unsà imbuur?

Asyääł a Nzam

⁵ Abun, Apolós ininà? Pól ininà? Asyääł: u mbwo a ba, be làsi làkwikilá. Umwey umwey kàkyer asànaa an'kab kun'pe Mwol.

⁶ Me, me kàkòn, Apolós waa kàtsüül an'dà, wée Nzam kàkyer ngyeel.

⁷ Kyakin, mbuur afàkòn anà mbuur afàtsuul an'dà, ba ndöj yatey, Nzam mpel awà ndöj, ntòn Nde afàsà ngyeel.

⁸ Mbuur afàkòn anà afàtsuul bà mbwo mwey, ntòn mbuur mbuur asàwal làfur ande unsà isii a isal ande ñakwo.

⁹ Ntòn bi ibà mbaay unsà isal a Nzam anà be làbà ywanj ande.

Be sye làbà ndwà utonjà Nzam.

¹⁰ U mbwo a kab a ngway kan'pe Nzam, asànaa un'töönj anàbwanj, me kàsi un'baän, mbuur asin an'yàtönj udu a wa. Wée, wey mbuur mbuur ukäl kà igyeej unsà ntöönj ande.

¹¹ Wey mbuur asin uköön afàsà un'baän asin uköl a un'baän awà paa: Yesu Klistó.

¹² Kyekà, itàkal naa ban'tönj udu a un'baän awà anà wól, arza, in'kul a ntal, in'te, in'lenj, wenwenj,

¹³ isal a mbuur mbuur ikyer asàmèná. Ilä a nsan isàmèey kya, ntòn kya ifàmèná u mbaa. Mbaa isàsi isal a mbuur mbuur ntòn muswanj ntal a kya.

¹⁴ Isàkal naa isal a mbuur kàtönj udu a un'baän kyan'tsim u mbaa, nde asàwal làfur.

¹⁵ Isàkal naa kya kyan'kuṇà, nde undiir usàwal anki. Nde ṇakwo asàwà mṓṓ, wɛɛ asànaa mbuur kan'sorà u mbaa.

¹⁶ Nkye bɛ layòb anki naa bɛ làbà ndwà a Nzam anà Dweelà a Nzam làfàkal uboo a bɛ?

¹⁷ Isàkal naa mbuur kan'dwa ndwà a Nzam, Nzam akyer asun'dwa. Ntɔn ndwà a Nzam yà in'kyɛl, bɛ làbà ndwà a Nzam ya.

¹⁸ Wɛy mbuur ukṓn akur nde ṇàkwo: isàkal naa mbuur mwey uboo a bɛ akakyeyà uyɔl naa nde wà ṇayeerà u mɛɛn mà, wɛy nde ubulà ṇukɔṇ, ntɔn mubulà ṇayeerà.

¹⁹ Ntɔn an'yeerà a mɛɛn mà, mà ukɔṇ kusà a Nzam. Kyakin, bàsɔn naa: « Nde afàwal aṇayeerà unsà impeenà aba ṇakwo. »

²⁰ Anà sye naa: « Mwol akyàyòb an'kyàn a aṇayeerà, nde akyàyòb naa ma mà bunàbun. »

²¹ Abun, mbuur taan aswan tɛy ngaal ande udu a baar, ntɔn indiir byanswà byà bɛ:

²² Pɔl, Apɔlɔs itàkal Sefas, mɛɛn, mṓṓ itàkal ukwà, apanà itàkal ungo, bya byanswà byà bɛ,

²³ wɛɛ bɛ, bɛ làbà bà Klistɔ, anà Klistɔ wà wà Nzam.

4

Antööm a Yesu

¹ Abun, wɛy bi iwɛl asànaa asyàäl a Klistɔ, abye anà buur a an'yee a Nzam.

² Kyekà, undiir a ntsuü bálɔmà akà baar abye anà buur abà naa ba bàkal bàlää.

³ Akà mɛ, mɛ undiir in'manà anki naa bɛ lán'tsuül nsan, itàkal naa làbay a nsan a mɛɛn mà. Mɛ in'fàfàtsuül anki nsan mɛ ñakwo.

⁴ Ndandaa, an'kyan amɛ mà a duu, wɛɛ wa kà undiir atwey mɛ wabalabal anki. Mwol wà mbuur atsuül mɛ nsan.

⁵ Kyakin, twon lan'tsul nsan kusà a taan alá bàsi, làdil mpal usàya Mwol. Nde mbuur asàsà u pɛelà ndaa anàyeɛ u làpib anà asàmɛɛy an'kyan anàyeɛ mà mpem a baar. Apan, mbuur mbuur asàwal akà Nzam nsyànjà yan'kwo akà nde.

⁶ Nton bɛ, aton, waa mɛ kàsweɲ indiidr abi ifà asin, musyaäl bya akà Apòlòs anà akà mɛ ñakwo, nton u mbaan abi, bɛ làlɔ̀nàkà muyòb an'kyan amà unsà indiidr abi: « Yà ubwan naa bɛ làkòòn asoobà ndel a Ndaa Anàson. » Wey naa akà mbuur mwey ukòòn akyey uyol muwɛel mbuur mwey anà muton wumwey.

⁷ Abun, nà kasɛɛn? Ininà ngye awe awà mpa kàwɛl ngye? Isàkal naa ya yà abwey, nton nkye musen an'pɛy asànaa ngye wa kàwɛl anki?

⁸ Bɛ làkyàyuur itaan! Bɛ làbà anjun'naan fà itaan! Bɛ làsemà muyaal ukòòn bi! Ndandaa, mɛ in'kwen naa bɛ làsemà uyaal, nton bi sye ikwe muyaal mbwo mwey anà bɛ!

⁹ Nton, mɛ in'sii naa bi antòöm Nzam kàkisa kà ikal a ngòngò, asànaa baar batsuül mbar a ukwà: bi bàkibuul indiidr atàän nton mɛɛn, nton akyeey anà nton baar.

¹⁰ Bi ibà anukwɔn nton Klistɔ, wɛɛ bɛ, bɛ lābà anayeerà amu Klistɔ, bi ibà bāgyɔɔlā, bɛ lābà ngwal, bɛ lābà unsà ibyaäl, bi bākimeɛy nswen.

¹¹ Tii mpal ayi, bi ibye anà ngyal, bi ibye anà mfwää, bi ibà nsäpɔl, bi bipe mpay, bi ibà iwɔn,

¹² bi kan'man mpay musal a an'kɔɔ abi. Bāmukitoo, bi ibāmusaak, bāmukimeɛy nkwaan, bi kan'tsim,

¹³ bāmukāyikuür ndaa, bi ibāmuleel. Tii panà bi kākyaɓulā indiir a mbin a mɛɛn, nkayäl a baar banswà.

¹⁴ Mɛ inkālasöönà anki indiir abi nton mukalamɛy nswen, wɛɛ nton mukalaweey asànaa baan amɛ bānkween.

¹⁵ Nton, itākal naa bɛ lābye anà alɔɔn nsaab kwem amu Klistɔ, bɛ lābye anki anà bàtaa mbɔɔn. Nton mɛ in'wà mbuur kalabör amu Klistɔ Yesu u mbwo a Lasan Anābwan.

¹⁶ Abun, mɛ amālalɔɔm, lālāb mbaan amɛ.

¹⁷ Kyakin, mɛ kàlatööm Tumàte, awà mwan amɛ wānkween anà wālää unsà Mwol. Nde ayalayɔɔb in'kɔɔn amɛ mya mōɔ amu Klistɔ, asànaa in'fālɔn mɛ mper yanswà, uboo a Ikoöñ byanswà.

¹⁸ Kyekà, muyweer naa mɛ in'yàya anki akà bɛ, amwey uboo abɛ bāyööl a uyɔl.

¹⁹ Wɛɛ isākal naa Mwol kan'kwen, itaan a mbɔɔn tɛy mɛ in'kyer ayàya akà bɛ. Mɛ kà in'yàyɔb ntwetweey a anuyɔl bà anki, wɛɛ ngwal aba!

²⁰ Ntɔn Imwol a Nzam kà kyà ndaa anki, wɛɛ kyà ngwal.

²¹ Ininà bɛ ləkwen? Nkye mɛ in'yi akà bɛ anà an'fũm itàkal anà ukwen unsà dweelà a làbɔɔn?

5

Ndaa a nswen uboo a Ikɔɔŋ

¹ In'baä' myan'too ntsu' yanswà naa ndaa a nswen yà uboo a bɛ, ndaa a nswen mpa anàtaman itàkal uboo a baar mpa abà Ayudà: umwɛy uboo a bɛ afàkal anà un'kyay a taarànde.

² Wɛɛ bɛ lan'yam a uyɔl! Nkye bɛ làləkwo anki muwem ngyɛb mbɔɔn anà mulwom uboo a bɛ mbuur kan'kyer undiir awun?

³ Akà mɛ, mɛ paa watɛy u nduɪr, wɛɛ mɛ in'wà paa u dweelà, mɛ kàtsul itaan nsaŋ a mbuur wa kàkyer undiir awun asànaa mɛ kàkal paa.

⁴ Mpal làsàkɔŋ bɛ, kà ikɔb a Mwol Yesu, mɛ in'sàkal paa unsà dweelà uboo a bɛ.

⁵ Lun'yàlà mbuur atub awun akà Satanà ntɔn mudwa nduɪr ande, waa dweelà làsàwà mɔɔ kà ilà a Mwol.

⁶ Undiir akyey uyɔl watɛy! Nkye bɛ làyɔb anki naa: « Kindam a ful ifàseen mfwar yanswà »?

⁷ Abun, làpɔŋà unsà ful là itaan, ntɔn bɛ làbulà mfwar akuɪn ikɔɔn ful. Ntɔn Klistɔ, Pak abi, bàpɛel ibɔɔn.

⁸ Abun, wɛy bi ikɔɔn atà un'kyɔm anà ful itaan, itàkal ful a ube anà lan'kyān an'be, wɛɛ anà mampà ikɔɔn ful, unsà pɛelà anà ndandaa.

⁹ Me kalasöön unsà un'kaan amɛ naa twon lan'kal un'tuüb ana baar bafakyer ndaa a nswen.

¹⁰ An'kyañ amɛ kà mà ntɔn baar bafakyer ndaa a nswen u meen mà anki, itàkal anjukaam anà mbuüb, itàkal baar bafayamà itek, ntɔn, isàkal naa yà abwey, bɛ làkyer atoo u meen.

¹¹ Me kalasöön apanà naa twon lan'kal un'tuüb anà mbuur afàtɛn naa nde wà « un'tɔŋ », isàkal naa nde, njukaam, itàkal naa afayamà itek, itàkal un'twee, itàkal un'yöör a man, itàkal mbuüb, mbuur atub awà, twon lan'dyà ikal imwey anà nde.

¹² Ntɔn, nkye ya ndaa amɛ mutsuül baar a nsà nsan? Nkye kà bɛ anki làtsul nsan a baar abà uboo?

¹³ Baar a nsà Nzam asàtsul nsan aba. Wɛɛ, bàsɔñ naa: « Lun'boŋ mbuur un'be uboo a bɛ. »

6

Nsan uboo atɔŋ

¹ Isàkal naa umwey uboo abɛ we anà syee anà un'tɔŋ wumwey, aben làkàtsul bɛ la akà antɛen mpa abà balàbal, akwànaa akà anjin'kyɛɛl?

² Nkye bɛ làyɔb anki naa anjin'kyɛɛl basàtsuül meen nsan? Isàkal naa bɛ làsàtsul nsan a meen mà, nkye bɛ làkwo anki mutsul binsan a bunàbun bi?

³ Nkye bɛ làyɔb anki naa bi isàtsul nsan a akyeey? Waa nsan a mɔö wà isiköön?

⁴ Abun, mpal làbà bɛ anà nsaŋ atub ayi, nkye bɛ làfàwal baar a bunàbun uboo a Ikööh mutsul ya?

⁵ Mɛ in'tɛɛnà a nswɛn abɛ. Nkye akà ŋan'yeerà mwey uboo a bɛ watey mutsul nsaŋ uboo a atɔŋ ande?

⁶ Wɛɛ, nkye un'tɔŋ akàfũũn un'tɔŋ ande akà baar bàkõõn làkwikilà?

⁷ Kiin mutakal anà nsaŋ uboo a bɛ, iswanà naa bɛ lan'kwà ndwà. Ntɔn nkye mpa làfàkyey bɛ ikwàndwà? Ntɔn nkye mpa làfàkwɛn bɛ naa bàlapfiy?

⁸ Wɛɛ bɛ, bɛ làfàkyer ube anà làfàpfɪy baar asin. Bɛ ya làfàkyer akà atɔŋ abɛ!

⁹ Abun, nkye bɛ làyòb anki naa baar mpa abà balàbal bàsàwal anki kwal a Imwol a Nzam? Twon balakùr: itàkal baar bafàkyer ndaa a nswɛn, itàkal anjitek, itàkal anjinswɛm, itàkal abaal bàfàbulà akaar, itàkal abaal bàfàkal anà abaal,

¹⁰ itàkal mbuúb, itàkal anàlámfɛɛl, itàkal ayoör a man, itàkal abweel a in'tswe, itàkal anjunksaam bàsàwal anki kwal a Imwol a Nzam.

¹¹ Laler indiir bakal amwey uboo a bɛ. Wɛɛ bɛ bàkyàlasɔŋ, wɛɛ bɛ bàkyàlabuul bàŋin'kyɛɛl, wɛɛ bɛ bàlatwey bàbalàbal kà ikɔb a Mwol Yesu Klistɔ anà u mbwo a Dweelà a Nzam abi.

Mpɛɛl a ndür ntɔn làkoo a Mwol

¹² « Mɛ in'we anà ikɔb mukyer indiir byanswà », wɛɛ indiir byanswà ndɔŋ byatey. « Mɛ in'we anà ikɔb mukyer indiir byanswà », wɛɛ mɛ in'kyey anki naa undiir mwey kan'yaal.

¹³ « Isaa byà ntòn an'bal, an'bal mà ntòn isaa. » Nzam asàdwa amwey asànaa wumwey. Wée ndür kà yà ntòn mukyer ndaa a nswen anki, wée ntòn Mwol, Mwol wà ntòn ndür.

¹⁴ Kyekà, Nzam, mbuur kàwiiy Mwol, Nde asiwiiy sye unsà ngwal ande.

¹⁵ Nkye be làyòb anki naa ndür abe yà itiir a ndür a Klistò? Apan, nkye me an'kwo in'wel itiir a ndür a Klistò ntòn mubuul bya itiir a ndür a ndaa a nswen? Akà ikikye!

¹⁶ Nkye be làyòb anki naa mbuur usàtüüb anà un'kaar a pasàse, ba ban'bulà ndür mwey? Ntòn baten naa: « Ba babööl basàbulà ndür mwey. »

¹⁷ Wée mbuur awà un'tüüb mwey anà Mwol, nde sye wà dweelà làmwey anà nde.

¹⁸ Làtiin ipasàse. Man'be asin asin manswà ukyer mbuur mà u nsà a ndür ande. Wée mbuur afàkyer ndaa a nswen afàkyer man'be u ndür ande ñakwo.

¹⁹ Nkye be làyòb anki naa ndür abe yà ndwà a Nzam a Dweelà Inkyeel awà amu be anà kan'fà akà Nzam ntòn be, anà be làfàkal anki bàbe ñakwo?

²⁰ Wée be bàkyer alasom a ntal mböön. Lun'si Nzam làkoo u mbwo a ndür abe.

7

Mfuul ntòn bór

¹ Ntòn ndaa lan'söön be, yà ubwan naa mbuur uköön abaäl.

² Ntɔn mukɔɔn abwà unsà ngingyây, wey baal wanswà ukal anà un'kyay ande, un'kaar wanswà ukal anà un'dim ande.

³ Wey un'dim ukwey buur ande akà un'kyay ande, anà un'kaar ukyer sye abun kusà a un'dim ande.

⁴ Un'kaar iköb kyatɛy u ndür ande ñakwo, wɛɛ un'dim ande awe anà kya. Ifà imwey sye, un'dim, iköb kyatɛy u ndür ande, wɛɛ un'kyay ande awe anà kya.

⁵ Wɛɛ bɛ twon lan'tsun umwey anà wumwey, nà isàkal naa, unsà ukwen umwey anà utaañ lāmwey là ikikye, ntɔn bɛ lāpɛ taan unsà ngyamakà, waa lāfāfurà kà un'tuüb, manà naa Satanà uyàsyāäl ukɔɔn nkāñ a mpem abɛ mukalabwiy.

⁶ Ndaa amalakyaän mɛ yi, yà an'kyān mpɛl mɛ an'pà, wɛɛ ya kà yà nswɛɛñ anki.

⁷ Mɛ in'kwen naa abaal ban̄swà bàkal asànaa mɛ, wɛɛ mbuur mbuur we anà kab a nsöön kun'pɛ Nzam, umwey ntɔn là, wumwey ntɔn lanà.

⁸ Apanà, mɛ in'ten a ampfwe anà akweel adim naa yà ubwan̄ mukal anàyen, asànaa mɛ.

⁹ Wɛɛ isàkal naa ba nkāñ a mpem yatɛy, wey ba bàbāäl, ntɔn yà ubwan̄ mubaäl, akwānaa muwulà mbaa a lāmɸɛl.

¹⁰ Wɛɛ aka baar aban̄abāäl, mɛ amālaswan̄, kà mɛ anki, wɛɛ Mwol: wey un'kaar uköön akaabà anà un'dim ande,

¹¹ isàkal naa nde kàkyàkaabà, wey nde uköön afàbāäl, itàkal naa nde uyoñà a un'dim ande. Wey

un'dim sye uköön awey un'kyay ande.

¹² Akà bamwey, me in'ten abà, kà Mwol anki: isàkal un'ton abaal we anà un'kyay mpa awà nàlàkwikilà, weë un'kaar awà kan'kyey mukal anà nde, wey nde uköön akun'wey.

¹³ Ifà imwey sye, isàkal naa un'kaar we anà un'dim mpa awà nàlàkwikilà, weë baal awà kan'kyey mukal anà nde, wey nde uköön akun'wey.

¹⁴ Nton, un'dim mpa awà nàlàkwikilà kan'bulà anjin'kyeel u mbwo a un'kyay ande, anà un'kyay mpa awà nàlàkwikilà kan'bulà anjin'kyeel u mbwo a un'dim ande wà nàlàkwikilà. Isàkal naa kabwey tēy, baan abe báyàkal mbiin, kyekà ba bā bānjikyēel.

¹⁵ Weë, isàkal naa mbuur mpa awà nàlàkwikilà kan'kwen mudwa bōr, wey nde ukyer abun! Un'ton wàbaal itàkal wun'kaar kà wà nàtēen anki unsà indiir abi. Nzam kàlabeel nton bē lākāl unsà duu.

¹⁶ Abun, un'kaar, ngye ayōb aben naa ngye asàtswà un'dim angye mōō? Itàkal un'dim, ngye ayōb aben naa ngye asàtswà un'kyay angye mōō?

Mukal unsà mbeel a Nzam.

¹⁷ Abun, wey mbuur mbuur usyen mōō ande unsà kab alà kun'pē Mwol, asànaa kākāl nde utaan kun'bel Nzam. Ayi nswēēn amē unsà lkōōn byanswà.

¹⁸ Nkye mbuur mwey kākāl anàkyey utaan bun'bel? Wey nde uköön aye nkyeey ande. Nà

mpa kàkal anàkyey utaan bun'bel? Wey bàkōn un'kyey.

¹⁹ Nkyey yundiir a bunàbun, ukōn nkyey wundiir a bunàbun, wē undiir a mfun wà mulab nswēn a Nzam.

²⁰ Wey mbuur mbuur ukal asànaa kàkal nde utaan bun'bel.

²¹ Nkye ngye kàkal un'so utaan babel? Twon an'kyeer. Wē, itàkal naa ngye an'bulà nsaay, syāal iso angye.

²² Ntōn, un'so bàbel uboo a Mwol, nde wà nsaay a Mwol. Ifà imwey sye, mbuur bàbel wà nsaay, nde wà un'so a Mwol.

²³ Mbuur mwey kakyàfur ntal a nkwi ntōn be. Twon lan'fàbulà aso a baar.

²⁴ Atōn, wey mbuur mbuur ukal kusà a Nzam asànaa kàkal nde utaan bun'bel.

Ampfwe anà akweel adim.

²⁵ Ntōn ankōr, mē nswēn a Mwol yatēy: mē an'kyān in'pà, an'kyān a mbuur mwey ban'kwo musà làkyān, u nsyāām a Mwol.

²⁶ Ntōn mpay a taan alà, mē in'manà naa yubwan naa mbuur mbuur ukal asànaa awà nde.

²⁷ Nkye ngye awànjātuüb anà un'kaar? Twon an'len mukaabà. Nkye ngye kawànjātuüb anki anà un'kaar? Twon an'len un'kaar.

²⁸ Isàkal naa ngye an'baäl, ngye akyer anki man'be. Isàkal naa unkōr un'kaar kan'baäl, nde man'be ukyer anki. Wē baar bànjàbaäl bye anà

buur a ndür mböön, wée me in'kwen naa be lākōön akal anà buur a ndür abà.

²⁹ Aton, me in'kwen muten abà: taan lan'bulà ikoko. Semà apanà, wey mbuur wanswà awe anà un'kyay ukal asànaa nde wa watay,

³⁰ baar bàlèlè asànaa ba bàlèlè anki, baar bàsanà asànaa ba bàsanà anki, baar bàsoomà asànaa ba undiir watay,

³¹ baar bàsyäälà indiir a meen mà asànaa ba bya bàsyäälà anki. Nton meen mà abà, mà mulyan.

³² Me in'kwen anki naa be lākāl anà nkyeer. Mpfwe möö ande wanswà wà unsà indiir a Mwol: nde afàlen naa nde Mwol un'sak kun'pà aben.

³³ Wée, baal anàbääl an'kyän mà unsà indiir a meen, nde alenà naa nde un'kyay ande un'sak kun'pà aben,

³⁴ anà mpem ande yànjàkaabà. Ifà imwey sye, un'kaar unkör asànaa un'sye, an'kyän ande mà unsà indiir a Mwol, nton nde ukal njun'kyeel u ndür anà u dweelà. Wée un'kaar anàbääl an'kyän ande mà meen, nde afàlen naa nde un'dim ande un'sak kun'pà aben.

³⁵ Me an'ten me abà, nton ubwan abe njakwo, kà nton mukälalée untaam anki, wée nton be lākyer undiir anàbwan, anà be lākāl anàbäab a Mwol, u mpem abe wanswà.

³⁶ Isàkal naa un'to mwey kan'man naa nde ukwe anki mukan mpem kusa a njatantuüm ande, isàkal naa nde wànjayol a ilään mukal anà nde

anà indiir byàmulab mbwo a bya, wëy nde ukyer ayukwen nde. Nde ukyer anki man'be: wëy ba bàbääl.

³⁷ Wëë, mbuur kan'tsul u mpem ande, uköön akun'siinä a ngwal, unsà ukwen ande banswà, muwal an'kyän muköön atüüb ndür a nàtántüüm ande, nde kan'kyer ubwan.

³⁸ Abun, mbuur kan'baäl nàtántüün ande, nde kan'kyer ubwan, wëë mbuur mpa kun'baäl kan'kyer ubwan anàsöönà.

³⁹ Un'kaar wànjätüüb anà un'dim ande taan lanswà awà nde anà mǝǝ. Isàkal naa un'dim kan'kwà, nde kan'bula wà nsaay mubääl mbuur ukwen nde, wëë uboo a Mwol mpel.

⁴⁰ Kyekà, kà an'kyän amë, nde ayàkal unsà un'sak mböön, isàkal naa nde kan'kal asànaa awà nde. Më sye, më in'we anà an'kyän mukal anà Dweelà a Nzam.

8

In'twan bàfàlääm itek

¹ Nton ndaa ayà iler in'twan bàfàlääm itek, bi banswà ikyà'yòb naa bi iwe anà ngyöòb. Ngyöòb ifapà ngaal, wëë ukwen bàkyer afàton.

² Isàkal naa mbuur mwëy akasii naa nde ayòb undiir mwëy, nde nàtàyòb anki asànaa bàkyer ayòb.

³ Wëë isàkal naa mbuur akwen Nzam, Nzam akyun'yòb.

⁴ Abun, nkye ngye an'kwo adi in'twan bafalääm itek? Bi ikyäyob naa itek u meen kyä undiir a bunabun anà nzam asin watey, Nzam wà mwey.

⁵ Nton, ndandaa bye anà indiid bafabel naa bänzam, itàkal u du, itàkal u meen, asànaa bänzam anà bämwol bà mböön,

⁶ wëe akà bi, Nzam wà mwey, Taa anà Nkyer a indiid byanswà anà möö abi wà nton Nde, anà Mwol mwey, Yesu Klistö. Indiid byanswà bàkyer u mbwo a Nde anà bi ibà anà möö u mbwo a Nde.

⁷ Wëe baar banswà ngyöob yatey. Bamwey bàkyäyii u nsyäl aba yà itek tii nàbawà, mudyà in'twan a iböön asànaa naa ndandaa mya balääm itek, anà an'kyän aba mà gyöölà, manàbwà ngingyäy.

⁸ Kyekà, bya kà isaa ifàsin bi tsütsü a Nzam anki: isàkal naa bi idi anki bya, bi undiid ayäkyà bwà watey, isàkal naa bi kan'dyà bya, undiid anàsöön iyàwal bi watey.

⁹ Wëe làkal kà igyëen naa nsaay abe ayi iköön abulà mbwo a mbweel nton anagyöölà.

¹⁰ Nton, isàkal naa ngye bàmaman, ngye mbuur awe anà ngyöob, u mesà uboo a ndwà a nzam a itek, nkye an'kyän ande iyun'syen anki, nde ngyöölà, mudyà in'twan balääm mupà iböön akà itek.

¹¹ Abun, ngyöölà awà, nton ngyöob angye, wà un'ton awà kàkù Klistö nton nde.

¹² Mukyer man'be abun akà aton abe anà muyööl mpem aba yà gyöölà, be labàmukyer

man'be akà Klišto.

¹³ Kyakin, isakal naa isaa mwey ibwiy un'ton ame, me in'yafadya anki akà ikikye in'twan nton mukoon abwiy un'ton ame.

9

Mbwò anà isal a ntööm

¹ Nkye me ka in'wa mbuur a nsaay anki? Nkye me ka in'wa ntööm anki? Nkye me kun'men anki Yesu, Mwol abi?

² Isakal naa akà baar bumwey me ka in'wa ntööm anki, wee nton laba be unsa un'tuub a Mwol, iswanà naa ndandaa me in'wa ntööm.

³ Un'kal ame kusa a baar bafan'pel awa:

⁴ Nkye bi ikwe anki mudyà anà munwà?

⁵ Nkye bi ikwe anki musyen un'klisto a un'kaar, asanaa antööm bumwey, aton a Mwol anà Sefas?

⁶ Nkye me mpel anà Banabà ibye anà mbwo mukoon asal?

⁷ Na afasal isal uboo a ita a ngim ande nakwo? Na afakon un'te a vin, ukoon adya imbenj a wa? Itakal naa, na afadii bol a ngooma ukoon anwa an'beel a bol a ngooma alan?

⁸ Nkye unsa imbuur mpel me in'teenà indiir abi? Nkye un'koon sye ufaten anki abwey?

⁹ Kyekà, unsa un'koon a Mose bason naa: « Twon an'bam mun a ngooma utaan udyara wa imbenj. » Nkye Nzam we anà ngyeb a ngooma?

¹⁰ Nkye nde uteenà anki nton bi mpel? Ee ya bason nton bi, nton mbuur afalem anà mbuur afatswa imbenj bakal anà lakyaan muwal kab aba.

¹¹ Isàkal naa bi kàkòn indiir a dweelà ntòn be, nkye yà ndaa a kolàkol naa bi ibwe indiir a mēen mā ubo a be?

¹² Isàkal naa baar bumwey bafàsyāāl ikōb aki udu a be, ntòn nkye mpa ikal kya kyañàsöönà akà bi?

Wee bi, bi kàsyāāl anki ikōb aki. Bi ifàkan mpem ntòn indiir byanswà, naa tēy, bi iyàkal asànaa kyà ntòn Làsanj Anàbwanj a Klisto.

¹³ Nkye be làyōb anki naa baar bafàsal isal u ndwà a Nzam, ndwà a Nzam ifadii, naa baar bafàsal u mesà bafàpà ibocon, ba bye anà kab aba unsà undiir bafàpà baar?

¹⁴ Ifà imwey, Mwol kàswenj baar bafàkyään Làsanj Anàbwanj naa udyà aba bà unsà Làsanj Anàbwanj.

¹⁵ Wee mē, mē kàsàsyāāl anki akà ikōb mwey uboo a bya. Kà ntòn mulom bya anki ntòn mē, waa mē an'son un'kaan wà. Ubwanj mē in'yerakwà! Akà mbuur mwey tēy kan'kwo mulwom làkoo amē alà!

¹⁶ Akà mē, ukyään Làsanj Anàbwanj kà undiir muswanj ngaal anki, ntòn kya isal ban'pē a ngwal: ngyeb akà mē isàkal naa mē Làsanj Anàbwanj in'kyään anki!

¹⁷ Kya ilàkal naa isal aki mē ñakwo kàsōl, mē in'kyer alàwal làfur. Wee, ntòn an'kyān amà mäfū anki akà mē, kyakin mē in'wà mukolà buur ban'pē.

¹⁸ Apan làfur amē làken? La là ntòn mukyään Làsanj Anàbwanj là ngway, ukoon asyāāl ikōb

kan'paa Làsanj Anàbwanj alá.

Ukyään Làsanj Anàbwanj

¹⁹ Ndandaa, itàkal naa me in'wà nsaay kusà a baar banswà, me kàkyer naa me in'bulà un'so a baar banswà, nton musyen baar mboon akà Mwol.

²⁰ Me kàkal uboo a Ayudà asànaa un'yudà, nton muwal Ayudà, uboo a baar abà u ngyel a un'koon asànaa mbuur awà ungyel a un'koon, - wee me ñakwo in'wà anki ungyel a un'koon, - nton muwal baar abà ungyel a un'koon,

²¹ uboo a baar bàkōn un'koon asànaa me an'koon un'koon, - kyekà me in'kōn anki un'koon a Nzam, nton Klistò wà un'koon amē, muwal baar bàkōn un'koon.

²² Me kabulà ñàgyōlā nton anàgyōlā, nton muwal anàgyōlā. Nton baar banswà me kàbulà indiir byanswà nton mutswà mōō a amwey uboo a ba.

²³ Kyekà, indiir abi byanswà, me in'fàkyer nton Làsanj Anàbwanj nton me in'wel kab uboo mwo.

Ntiin a un'klistò

²⁴ Nkye be layōb anki naa anantiin, uboo a iboon, ba banswà bafàtsumà ntiin, wee umwey mpel afàwal undiir a ntal? Látsumà ntiin nton mubōñ.

²⁵ Anjan'taam a ngwiy banswà bafàkanj mpem unsà ya yanswà, ba bafàkyer nton muwal mpà ifàtay, wee bi, nton mpà mpa ifàtay.

²⁶ Abun, me in'tsumà anki ntiin anàdubà mii, me in'kam anki iki a bunàbun.

27 Wɛɛ mɛ infàpà ndür amɛ mpay, mɛ infàbuul ya asànaa un'sɔ. Kya naa tɛy, ungo mukyaän lãsanj akà bumwɛy, mɛ ɲakwo in'kɔɔn awal iboŋ.

10

Igyɛɛɲ ntɔn nzam a itek

1 Aton, mɛ in'kwen naa bɛ layɔb ndaa yi: bãnkaa abi banswà bàkāl ungyel a un'boŋ, ba banswà bàtsul ngyal,

2 anà ba banswà bàwɛl ndüümà a Mɔsɛ uboo un'boŋ anà uboo a ngyal.

3 Ba banswà bàdyee isaa a dweelà,

4 anà ba banswà bãnwee, kɔɔb a dweelà lãmwɛy, ntɔn ba bãnwee unsa un'kul a dweelà kàyikyeenà anà ba, un'kul awun kàkāl Klistɔ.

5 Wɛɛ, Nzam kàkāl anki un'sak anà bàmboɔn uboo a ba, lalan bàku'ba u nsye a ipɔl.

6 Ndaa ayi yanswà yà ntɔn naa ya ikāl mbaan, ntɔn bi ikɔɔn alɛɲ ube asànaa bàlɛɲà ba.

7 Twon lan'bulà baar a itek, asànaa bumwɛy uboo aba, kyakin bàsɔn naa: « Un'sɛɲ kan'bwaay ntɔn mudya anà munwà, waa ba bàmbarà ntɔn mutaam. »

8 Bi sye ipà anki ndür abi mukyer ndaa a nswen, asànaa bàkyerà bumwɛy uboo a ba: kà ila'imwɛy mpɛl bàku'baar nsaab an'kwem mɔɔl anjitar.

9 Bi twon kun'sii Klistɔ, asànaa bàkyer bumwɛy uboo a ba: ntäy yàkyer adwa.

10 Twon lan'ɲünjün asànaa bãnjünjün bumwɛy uboo a ba: un'dwää'kàkyer adwa.

¹¹ Kyekà, indiir abi byàyeel ba ntòn bya ikal mbaan, bya bàsòn ntòn mulon bi, bi baar ibà u taan a ntsüü.

¹² Abun, wey mbuur akasii naa nde wà umbäär, ukal kà igyeeṅ ntòn nde uköön abwà.

¹³ Ndeb mwey tɛy ifàyeel be ayà mpa ifàyeel mbuur. Nzam wà làä, nde upà anki mbwo naa bàlasii yaṅàlyaan ngwal abe. Anà ndeb, nde ayàlöön sye mbwo mutoo amu ya anà ayàlapà ngwal mukan mpem.

¹⁴ Kyakin, nkween amɛ, làtiin muyamà itek.

¹⁵ Mɛ in'yaämà anà be asànaa a baar abyɛ anà an'kyan anàbwan: làtsul be ṅakwo ndaa in'tɛenà mɛ.

¹⁶ Kɔɔb a nsaak alà ifàsaak bi udu a la, nkye la làfisa anki unsà un'tuüb anà an'kil a Klistɔ? Lampa ifatsul bi, nkye la làfisa anki unsa un'tuüb anà ndür a Klistɔ?

¹⁷ Ntòn lampa là làmwey mpel, bi banswà ibà ndür mwey mpel: ntòn bi banswà ifàkab làmpà mwey alan.

¹⁸ Wɛɛ làlɛr baar a Isàlɛl, baar bàfàdyà in'twan bàpɛ ibɔɔn, nkye ba un'tuüb watɛy anà mɛsà a ibɔɔn?

¹⁹ Ininà mɛ in'kwen mutɛn? Nkye in'twan bàpɛ ibɔɔn akà itek lɛɛ itek bya ṅakwo ibyɛ anà mfun?

²⁰ Naa! Wɛɛ, asànaa ibɔɔn aba bàkyàpà akà insɔṅà, kà akà Nzam anki, mɛ in'kwen anki naa be làbilà unsà un'tuüb anà insɔṅà.

²¹ Be làkwo anki munwà mbalà mwey ya u kɔɔb a Mwol anà u kɔɔb a insɔṅà. Be làkwo anki mudya

mbalà mwéy ya u mesà a Mwol anà u mesà a insòṅà.

²² Nkye bi ikwen mumbaar un'kol a Mwol? Nkye bi ibye anà ngwal yan'lyaan yà Nde?

Yanswà ntòn làkoo a Nzam

²³ « Byanswà bàkyàpà mbwo mukyer », wée kà bya byanswà anki ibye anà ndòṅ. « Byanswà bàkyàpà mbwo mukyer », wée kà bya byanswà anki byàfàtòṅ.

²⁴ Wéy mbuur ukòṅ alen ubwan ande ṅakwo mpel, wée ulen sye ubwan a baar bumwéy.

²⁵ Indiir byanswà bàfàyalà u yà, làdi bya làkòṅ asà mfuul ntòn mukòṅ atay an'kyān,

²⁶ ntòn bàsòṅ naa: « Mèen anà indiir byanswà abyà uboo, byà Mwol. »

²⁷ Isàkal naa mbuur mpa awe anà làkwikilà kàmàlabel anà be lan'kyey mukyà, làdi indiir byanswà kàlapà nde, ukòṅ asà mfuul ntòn mukòṅ atay an'kyān.

²⁸ Wée, isàkal naa mbuur an'ten abe naa: « Mi in'twan myan'fà unsà ibòṅ bàpè akà itek », twon lan'dyà wa, ntòn mbuur kàlaweey anà ukòṅ atay an'kyān.

²⁹ Apà me in'teenà anki ntòn an'kyān abe, wée mände.

Ntòn nkye an'kyān a mbuur asin itsuul ma nsaay amé nsan?

³⁰ Isàkal naa me in'fàfuur an'tòṅ ntòn isaa in'fadya me, ntòn nkye in'bulà me mbuur atwee ntòn undiir an'fuur me an'tòṅ?

³¹ Abun, itàkal naa bɛ làkyer adyà, itàkal naa bɛ làkyer anwà, itàkal undiir wanswà làkyer bɛ, làkyer wanswà ntɔn làkoo a Nzam.

³² Twon lan'kal kyà ntɔn mbuur: itàkal ntɔn Ayudà, itàkal ntɔn Angeleki, itàkal ntɔn Ikoöŋ a Nzam.

³³ Kyakin, mɛ ɲakwo in'fàkyer ngwal mupà un'sak akà baar banswà unsà indiir byanswà, kà ntɔn mulɛŋ ubwan ɛmɛ anàyen anki, wɛɛ ntɔn ubwan a baar mbɔɔn, ntɔn ba bawü'möö.

11

¹ Lan'yoöl, asànaa mɛ ɲakwo in'fàyööl mɛ Klistɔ.

Baal anà un'kaar kusà a Nzam

² Mɛ amàlakan: bɛ làfàyɔbà mɛ unsà indiir byanswà anà mulab nswɛɛŋ asànaa kàlɛlɔŋ mɛ.

³ Apanà, mɛ in'kwen naa bɛ làyɔb abà: Klistɔ wà mfum a mbuur wanswà, baal wà mfum a un'kaar, Nzam wà mfum a Klistɔ.

⁴ Baal wanswà afàyamà, itàkal afàtà ngɔɔm, un'tswe wàŋàfwɛɛ, nde afàpà nswɛn akà mfum ande.

⁵ Wɛɛ un'kaar wanswà afàyamà, itàkal afàtà ngɔɔm, un'tswe wà ipɔl, nde afàpà nswɛn akà mfum ande, ntɔn yà asànaa ntswee ande yàŋàkɔɔl.

⁶ Isàkal naa un'kaar ufwee anki un'tswe, wɛy bun'kɔɔl ntswe! Wɛɛ, isàkal naa yà nswɛn ntɔn un'kaar bun'tsùl itàkal bun'kɔɔl ntswe, wɛy nde ubwäär itàmbalà!

⁷ Abun, baal ufwe anki un'tswe ande, nde wà ifà anà làkoo a Nzam, wée un'kaar wà làkoo a baal.

⁸ Ntòn, kà baal anki bàtwey amu un'kaar, wée un'kaar bàtwey amu baal.

⁹ Baal bun'kyer anki ntòn un'kaar, wée un'kaar bun'kyer ntòn baal.

¹⁰ Lalan, un'kaar akyer abwaar isii a iköb kà un'tswe ande, ntòn akyeey.

¹¹ Apan, un'kaar ukaabà anki anà baal, baal sye ifà imwey akà un'kaar, uboo a Mwol.

¹² Ntòn, isàkal naa un'kaar bun'twey amu baal, baal sye un'kaar kàmubor, yanswà yan'fà akà Nzam.

¹³ Làtsul be ñakwo, nkye yubwan naa un'kaar uyamà Nzam ukoon afwe un'tswe?

¹⁴ Nkye meen ñakwo ifàlalon anki naa làkoo latey akà baal mukal anà ntswe a bwelàbwel?

¹⁵ Kyekà yà làkoo akà un'kaar, ntòn ntswe bun'pe musyàal asànaa itàmbalà.

¹⁶ Wée isàkal naa mpuur akwen muton nkääl ayi, bi ifà aki kyatey, itakal kà Iköön a Nzam sye.

Isaa a Mwol

(Mat 26.26-29; Mlk 14.22-25; Luk 22.15-20)

¹⁷ Ntòn ndaa iläab yi, me alakan anki, ntòn nkön làfàsà be, ya ifàlaker anki ubwan, wée ube.

¹⁸ Musemà, me an'wem naa ye anà nkaabà uboo a be umpal làfàsà be nkön, me an'kyey ikikye naa yà ndandaa:

¹⁹ yàkal ubwan naa nkaabà ikal uboo a be, ntòn muyob naa bànà abà anàlèkwikilà a ndandaa.

20 Wɛɛ umpal làfàkal bɛ u nkòŋ, bɛ kà isaa a Mwol anki làfàdyà.

21 Ntɔn, utaaŋ adyà, mbuur mbuur afàduül muwal isaa anàsòön ukɔɔn ayɔbà bumwɛy. Abun, umwɛy wɛ anà ngyal, umpal wumwɛy wàmuyɔr.

22 Nkyɛ bɛ ndwà yatɛy ntɔn muddyà anà munwà? Itàkal naa, nkyɛ bɛ làbɛyà Ikoöŋ a Nzam anà làkwɛn mumɛɛy baar bàkɔɔn undiir nswɛn? Ininà mɛ alakyaän? Nkyɛ mɛ in'kyer alasyänà? Aay, u ndaa ayi, mɛ alàsyänà anki.

23 Ntɔn, lɛ an'loɔŋ kàwɛl mɛ akà Mwol anà kàlalɔŋ mɛ: Mwol Yɛsu, u mpib bun'yalà, ndɛ kàwɛl làmpà,

24 ungö mufuur an'tɔɔn, ndɛ kàtsül la, waa kàtɛn naa: « Yi yà ndür amɛ, ayà ntɔn bɛ, làkyɛrà abà muyɔbà mɛ. »

25 Nde kàkyɛr abun, ndɛ kàwɛl kɔɔb, ungö udyà mutɛn naa: « Kɔɔb là, là Nkwà akün unsà an'kil amɛ. Làkyɛr abun taan lanswà làyanwaa bɛ, ntɔn muyɔbà mɛ. »

26 Ntɔn, taan lanswà làdyaa bɛ làmpà alà anà lànwaa bɛ kɔɔb alà, bɛ làwàmukyaän nkweel a Mwol, tii mpal usyefurà ndɛ.

27 Lalan, mbuur wanswà asàdyà làmpà itàkal asànwà kɔɔb a Mwol ukɔɔn akal wàŋàpɔŋà, ndɛ asàkal wàŋàlɛl kusà a ndür anà an'kil a Mwol.

28 Wɛy mbuur mbuur ulɛr mpɛm andɛ ŋakwo kusà muddyà làmpà alà anà munwà kɔɔb alà.

29 Ntɔn mbuur adyaa anà anwaa ukɔɔn asà

ndür nsööl, wàmudya ànà wàmunwà mbar ande ñakwo.

³⁰ Kyakin, uboo a be bàñukyal anà aṇatoo bà mböön, anà ndam yumwey yàkyàkwà.

³¹ Isàkal naa bi kan'syebà bi ñakwo, bi nsan bàlitsüül anki.

³² Wée Mwol afitsüül nsan ntón mukifuur u mbwo, ntón bàkoon akitsüül mbar mbwo mwey anà meen.

³³ Kyakin, aton ame, utaan làfatuüb be ntón mudya, làdil bamwey anà bumwey.

³⁴ Isàkal naa mbuur we anà ngyal, wey nde udi u ndwà ande, ntón nkoñ abe iköön akàlatwääl ntaanàmbar. Ntón indiir byumwey, me insälöön utaan in'sàya me.

12

An'kab a Dweelà In'kyeel

¹ Aton, me in'kwen naa be làkal anà ngyöob ntón ndaa iler indiir a Dweelà.

² Be làkyayob naa umpal làkal be baar mpa abà Ayudà, balasyeenà ukoon ayob, ntsu'akà bānzam a itek abà nkiin.

³ Kyakin me alàkyään naa: akà mbuur mwey tɛy awà kan'kwo muten u mbwo a Dweelà a Nzam naa: « Wey Yesu ukal wàñàkuül! » Mbuur mwey tɛy kan'kwo muten naa: « Mwol Yesu! », isàkoon akal Dweelà In'kyeel.

⁴ An'kab a kab a ngway mà mböön, wée Dweelà nsil wa.

⁵ Isal byà mböön, wée Mwol nsil wa.

⁶ Nsyääl yà mbòon, wée Nzam nsil wa afàkyer indiir byanswà amu baar banswà.

⁷ Amu mbuur mbuur Dweelà afàmenà u mbwo a kab ntòn ubwan a baar banswa.

⁸ Dweelà afàpà akà mbuur umwey ndaa a an'yeerà, akà wumwey, Dweelà nsil awà afàpà ndaa a ngyöb,

⁹ Dweelà mwey nsil awà afàpà akà umwey làkwilà, akà wumwey iköb muköör anukyal.

¹⁰ Dweelà afàpà ngwal akà umwey mukyer impà, akà wumwey kab mutà ngööm, akà wumwey musà nsööl unsà an'dweelà, akà wumwey muten ndaa a ifà ifà, akà wumwey ntòn mubaal ndaa ya.

¹¹ Dweelà nsil mwey awà mpel afàkyer indiir abin byanswà, mupà akà mbuur mbuur kab a nsöön, asànaa ukwen nde.

Ndür mwey, itiir mbòon

¹² Ndür yà mwey, itàkal naa itiir byà mbòon. Wée itiir a ndür byanswà, itàkal naa bya byà mbòon, bya ikyerà ndür mwey mpel. Abà, ya sye yà asànaa Klistö.

¹³ Ntòn, bi banswà kàwel ndüümà unsà Dweelà mwey mpel amu ndür mwey mpel, itàkal Ayudà itàkal Angeleki, aso itàkal baar a nsaay, bi banswà kànü unsà Dweelà mwey awunà.

¹⁴ Abun, ndür kà yàñàkyer anki itiir mwey mpel, wée yà itiir mbòon.

¹⁵ Isàkal naa làkòl lan'ten naa: « Asànaa me kà in'wa koo anki, me uboo a ndür watey », nkye la làkyer ayàlwomà mukal itiir a ndür?

¹⁶ Isàkal naa tsu' lan'ten naa: « Asànaa me kà dii anki, me kà in'wa uboo a ndür anki », nkye la làkyer ayàlwomà mukal itiir a ndür?

¹⁷ Yalàkal naa ndür yanswà ikal dii, ngweem ilàkal ken? Yalàkal naa ya yanswà ikal tsu; uson baliweemà ken?

¹⁸ Wée Nzam kasi itiir itiir unsà ndür, asànaa kàkwen nde.

¹⁹ Yalàkal naa byanswà ikal itiir mwey mpel, ndür yalàkal ken?

²⁰ Apà, itiir byà mboon, wée ndür yà mwey mpel.

²¹ Dii taan aten tɛy a koo naa: « Mɛ mfun a ngye yatey », itàkal un'tswe uten a in'kol naa: « Mɛ mfun abe yatey. »

²² Kyekà, itàkal itiir a ndür ifàmenà naa bya byà gyöölà gyöölà, bya byà mfun,

²³ abyà ifàman bi naa ndöŋ a mboon byatey u ndür, akà bya bi ifàpà nsyàŋà aŋàsöönà. Abyà ifàman bi naa bya ntwen yatey, bi bya ifalöön ubwanàbwan,

²⁴ kyekà, itiir abye anà ntwen, byàfàkal anki anà mfun muloon bya. Wée Nzam ndür kàboom naa nsyàŋà mboon ikal akà itiir abyà ifàmenà naa bya ndöŋ byatey:

²⁵ nton nkaabà iköön akal u ndür, wée itiir byanswà ikal ngyal mwey bamwey anà bumwey.

²⁶ Isàkal naa itiir imwey kyà anà usaay, itiir

byanswà byan'kab usaay aban. Isàkal naa itiir imwey bàmusyàhà, itiir byanswà byan'san anà nde.

²⁷ Kyekà, be làbà ndür a Klisto, umwey umwey wà itiir a ndür ande.

²⁸ Kyakin, uboo a Ikoöh, Nzam kàsi bàtätweb antööm, bàyweel anangwöm, bàtar alöw, ungo apan, kab a impà, kab a nköör, là mbaay, là ntwasà, anà kab muten ndaa a ifà ifà.

²⁹ Nkye ba banswà bà antööm? Nkye ba banswà bà anangwöm? Nkye ba banswà bàkyer afàlön? Nkye ba banswà bàfàkyer impà?

³⁰ Nkye ba banswà bye anà kab a nköör? Nkye ba banswà bàfàten ndaa a ifà ifà? Nkye ba banswà bàfàbaal ndaa?

³¹ Abun, lakàl ana ngyal a ngwal yan'kab masöönà ndöñ. Ungo apan, me in'yalaswan mbwo yan'söön ubwan.

13

Ukwen

¹ Isàkal naa me an'ten amu ndaa a baar anà yà akyeey, wée isàkal naa me ukwen batey, me in'wà asànaa ishabà ifàsà làso itàkal ngun ifàsà làso.

² Isàkal naa me in'we anà kab mutà ngwöm, muyob ngyee yanswà anà là ngyöb yanswà, isàkal naa me in'we anà làkwikilà lanswà lan'kwo mutsum myön, wée isàkal naa me ukwen batey, me in'wà wà bunàbun!

³ Isàkal naa me an'kab indiir amè byanswà akà anangyal, itàkal naa me an'pà ndür amè u mbaa

nton muwal nsyāhà, wɛɛ isàkal naa mɛ ukwen batey, akà undiir mwɛy in'wal mɛ watey.

⁴ Ukwen bà nkāāh a mpem anà ubwan, ba un'kɔl anàyɔh watey, bàfàswan anki ngaal, bàfàkyey anki uyɔl,

⁵ bàfàkyer anki ndaa ikɔɔn ndoɔh, bàfàlɛh anki bweel a ba ɲakwo, bàfàwem anki nkyel, bàfàfuur anki ube,

⁶ bàfàsan anki unsà ndaa ikɔɔn balàbal, wɛɛ bàfàsan unsà ndandaa.

⁷ Ukwen bàfàfwe indiir byanswà, bàfàsà làkwikilà unsà indiir byanswà, bàfàsà làkyān unsà indiir byanswà, bàfàsen buur a indiir byanswà.

⁸ Ukwen bàfàkwà anki. Nkye ngɔɔm? Ya ikyer asàwà. Nkye ndaa a ifà ifà? Ya ikyer asàtsù. Nkye ngyoòb? Ya ikyer asàwà.

⁹ Nton ngyoòb abi yà ndam, ngɔɔm abi yà ndam.

¹⁰ Wɛɛ mpal isàya yàɲàkwo, undiir a ndam akyer asàtsù.

¹¹ Mpal kàkàl mɛ umbey, mɛ kàfatɛɛnà asànaa umbey, mɛ kàfasii asànaa umbey, mɛ kàfayweerà asànaa umbey. Wɛɛ mpal kàbulà mɛ undweer, mɛ kàwɛy indiir byanswà byà imbey.

¹² Apanà, bi imanà unsà làman abunaa, wɛɛ ilà kyàpaa isàman bi u mii a mii. Apanà, ngyoòb amɛ yà itsu, ilà kyàpaa, mɛ in'sàyoòb ubwanàbwan asànaa Nzam kan'yoòb nde.

¹³ Abun, apanà indiir byà indiir itär: làkwikilà, làkyän anà ukwen, wée, wà kolàkòl uboo a bya, ukwen.

14

An'kab a Dweelà In'kyeɛl

¹ Làlɛŋ ukwen, làkàl anà un'kanà ntɔn indiir a Dweelà, sin sin ngɔɔm.

² Ntɔn, mbuur afàyaäm unsà ndaa mpa bàfàyòb baar, ufàyaäm anki anà baar, wée anà Nzam. Ntɔn akà mbuur mwey ufàyòb anki ndaa ande. Kyekà, u ngwal a Dweelà, nde afàkyään indiir anàye.

³ Wée mbuur afàtà ngɔɔm afàyaäm anà baar ntɔn mutɔŋ anà mupà ngwal.

⁴ Mbuur afàyaäm u ndaa mpa bàfàyòb baar, afàtɔŋ nde ñakwo, wée mbuur afàtà ngɔɔm afàtɔŋ nkööh.

⁵ Mɛ in'kwen naa bɛ banswà làtɛn u ndaa mpa bàfàyòb baar, wée mɛ inkwen mbɔɔn naa bɛ làsöönà mutà ngɔɔm. Mbuur afàtà ngɔɔm kan'söön mbuur afàyaäm u ndaa mpa bàfàyòb baar, nà isàkal naa nde kan'baal ya ntɔn mutɔŋ làkwikilà a Ikoöh.

⁶ Atɔŋ, bi itàsii apanà naa mɛ in'yàlaler anà mɛ in'yaäm anà bɛ u ndaa mpa bàfàyòb baar, nkye mɛ in'sàkal mfun nà akà bɛ, isàkal naa ndaa amɛ yàlatwàäl anki itàkal imɛɛy, itàkal ngyööh, itàkal ngɔɔm, itàkal an'loɔŋ?

⁷ Abun, ya yà ifà imwey asànaa indiir a ikwɛŋ, asànaa saay a mfun itàkal naa nkwaay:

Isàkal naa bya ikatoo anki byànsöön, abun baar bàyàyoòb aben naa saay a mfun anà nkwaay ininà iteena?

⁸ Abun, isàkal naa saay a mfun làtwey anki ndaa ubwanàbwan, nà kan'kwo muyòhà ntòn ità?

⁹ Ya ye abun sye ntòn be: isàkal naa làlem abe làtweyà anki ndaa a un'yenà, baar bàyàyoòb aben ndaa làteenà be? Be làyayaàm amu un'pòb.

¹⁰ U meen mà ndaa a ifà ifà yà mbòon, wée akà mwey tey uboo a ya ikòòn mbuul.

¹¹ Abun, isàkal naa me in'yòb anki mbuul a ndaa, me in'yàkal ungyey akà mbuur ayaäma, mbuur ayaäma ayàkal ungyey akà me.

¹² Abun be sye, ntòn be làfàkal anà ngyal mbòon yà indiir a Dweelà, lalen mukal abyà byànàsoöna, wée bya ikal ntòn ntööh a Ikoöh.

¹³ Kyakin mbuur afàyaàm u ndaa a ingyey akyer ayamà ntòn muwal kab abaal ndaa ayin.

¹⁴ Isàkal naa me an'yamà u ndaa a ingyey, dweelà ame làkayamà, wée un'yenà ame ubor anki undiir.

¹⁵ Waa me in'kyer aben? Me in'sàyamà unsà Dweelà, wée mée in'sàyamà sye anà un'yenà, me in'sàtol an'diim unsà Dweelà, wée me in'sàtol an'diim sye anà un'yenà ame.

¹⁶ Ntòn, isàkal naa ngye an'sà nsaak anà Dweelà mpel, nkye mbuur awà uboo a baar bàkòòn ngwem, an'kwo uten naa: « Abwey » unsà ngyamàkà angye yà an'tòon? Ntòn nde uyòb anki

ndaa ateenà ngye.

¹⁷ Yà ndandaa naa mfuur a an'toon angye yà ntsà, wée mbuur wumwey uyel anki unsà làkwikilà ande.

¹⁸ Mè an'fuur an'toon akà Nzam nton in'yaäma mè u ndaa a ingyey yànyàyaan be banswà,

¹⁹ wée uboo a Ikoöñ, mè in'kwen muten ngok tyeen unsà un'yenà amè, nton mulon bumwey sye, akwànaa ngok nsaab kweem unsà ndaa a ingyey.

²⁰ Aton, unsà an'kyän, twon lan'kal ambey. Ndandaa, làkal ambey nton ube, wée nton an'kyän, làkal andweer.

²¹ Unsà un'koon bàsön naa:
« Mwol kan'ten naa: Aka un'sen wà, Mè in'sàten u mbwo a baar a ndaa asin anà u mbwo a mun a ingyey. Itakal abun, ba mè bàsan'wem anki." »

²² Abun, ndaa mpa bàfayob baar yà idiim nton baar mpa abà anàlàkwikilà, wée kà nton anàlàkwikilà anki. Ngoom yà idiim nton anàlàkwikilà, wée kà nton baar mpa abà anàlàkwikilà anki.

²³ Isàkal naa Ikoöñ kyanswà kyan'kōñ, anà baar banswà bàyām u ndaa a ingyey, isàkal sye naa baar asin itakal baar bàkōñ làkwikilà bà mwo, nkye ba bayaten anki naa be laba ana ukon?

²⁴ Mper yumwey, isàkal naa ba banswà bàmutà ngoom, mbuur asin itakal mbuur akōñ làkwikilà kan'bila kwo, nde ayāman naa ba banswà bàteenà a nde anà bàtsüülà nde mbar.

25 Indiir anàyee u mpem ande imenà u mii, nde ayàkōmà Nzam anà ayàkyään naa Nzam wà uboo a nde, nde ayàtuùb ntabwey ande anà mēen, nde ayàkōmà Nzam anà ayàkyään naa ndandaa Nzam wà uboo a bē.

Swalaa uboo a Ikoöñ

26 Atōñ, bi itsulà aben? Utaan lāfàkōñ bē, mbuur mbuur uboo a bē an'kwo mutōl diim, mut-waal an'loñ itàkal imēey, mutēn ndaa a ingyey itàkal mubaal ya: wey ya yanswà ikal ntōn mutōñ Ikoöñ.

27 Isàkal naa baar bàyām u ndaa a ingyey, wey abōōl itàkal atār mpel bàyām, anà bàkyer umwey ungo a wumwey, anà mbuur abaal ya ukāl.

28 Isàkal naa un'baal watēy, wey un'tōñ ukāl a duu uboo a nkōñ, wey nde uyām a nde ñakwo anà a Nzam,

29 Akà anangoom, wey abōōl itàkal atār bàwel ndaa, wey bumwey bàsyebà.

30 Isàkal naa umwey uboo a nkōñ kan'wal imēey, wey mbuur ayāām ukāl a duu.

31 Bē banswà lan'kwo mutà ngoom, wē mbuur mbuur utaan ande, ntōn baar banswà bàlōñàkà anà bàwel ngwal.

32 An'dweelà a anangoom mà ungyel a anangoom.

33 Ntōn Nzam kà wà Nzam a lingyoomà anki, wē Nzam a duu.

Asànaa bàfàkyer ya uboo a Ikoöñ byanswà byà anin'kyeel,

³⁴ wey akaar bàkal a duu uboo a nkōj: ba mbwo bape anki muten. Wey ba bàlab ayà iteenà Un'kōn.

³⁵ Isàkal naa ba bàkwen muyōb undiir mwey, wey mbuur mbuur ufuul un'dim ande u ndwà. Ntōn yà nswen naa un'kaar usi ndaa uboo a nkōj.

³⁶ Nkye ndaa a Nzam yàfū akà be? Nkye ya be mpel làwèl?

³⁷ Isàkal naa mbuur asii naa nde wà n̄angōm itàkal wān̄adweelà, wey nde ukyey naa indiiir in'kalasōōnà mē byà nswēn̄ mwey yà Mwol.

³⁸ Wēē isàkal naa mbuur mwey ukyeyà anki ya, iswanà naa Nzam kun'yōb anki.

³⁹ Kyakin, atōj amē, làkal anà ilēem mukal ān̄angōm, twon lan'tsun̄ mbuur muten unsà ndaa mpa bàfayōb baar.

⁴⁰ Wēē, wey indiiir byanswà ikal u mbwo anà byaswalaa.

15

Ngwiiyà a Yesu

¹ Atōj, mē alàycōb Làsan̄ An̄àbwan̄ kalakyaän̄ mē, alà làwèl be, alà làpē be mōō amu la,

² anà u mbwo a la be làsawà mōō isàkal naa be lan'kaar la asanaa kalakyaän̄ mē, kya naa tēy, be lalàsà làkwikilà a bunàbun̄.

³ Mē katalalōj indiiir atātweb̄ kàwèl mē n̄akwo naa: Klistō kākū ntōn man'be abi, asanaa iteenà Ndaa An̄àson̄.

⁴ Nde bàkyer un'dyee, waa kàwiya kà ilà'kyàtār.

⁵ Nde kàyàmenà akà Petolà, ungo akà Bàkwem Anjiweel.

⁶ Ungo apan, nde kàyamenà umbàla mwey akà aton anàsöön nkam tyeen. Bàmboon uboo a ba bye anà möö tii papanà, bamwey bàkyàkwà.

⁷ Ungo nde kàkàmenà akà Zyak, anà akà antoöm banswà.

⁸ Ungongo a ba banswà, nde kàyàmenà akà me sye, me mwan mpa kàkolà nsöñ.

⁹ Nton me in'wà wà ikikye uboo a an'toöm, me in'kwe anki ban'bel ntoöm, nton me kàmëey Ikoöñ a Nzam nkwaan.

¹⁰ Wëe in'wà me abà, me in'wà nton kab a ngway a Nzam, anà kab a ngway ande alà akà me làkal anki làbunàbun. Wëe me kàsàl anàsöön ba banswà: kà me anki, wëe kab a ngway a Nzam alà amu me.

¹¹ Kyakin, itàkal me, itàkal ba, undiir ikyaänà bi awà, undiir làsi be làkwikilà.

¹² Isàkal ban'kyään naa Klistò kàwiya uboo a aku, nton nkye bamwey uboo a be ban'kwo ba muten naa ngwiiya a aku'yatëy?

¹³ Isàkal naa ngwiiya a aku'yatëy, abwey Klistò kàwiya anki,

¹⁴ isàkal naa Klistò kàwiya anki, an'loon abi mà màbunàbun, làkwikilà abe sye là làbunàbun.

¹⁵ Apan, imenà naa bi ibà ambal a Nzam bàloor, nton bi kàtwàal imbal asin muten naa Nzam kawiiy Klistò, wëe nde kun'wiiy anki, kya isakal naa ndandaa aku' bàfàwiya anki.

16 Isàkal naa aku' bàfàwiyà anki, Klisto sye kàwiyà anki.

17 Ntòn, isàkal naa Klisto kàwiyà anki, làkwikilà abe là làbunàbun, tii lalà be làbà uboo a man'be.

18 Abun sye, baar bàku' amu Klisto bàkyàkyàbwà.

19 Isàkal naa bi kàsi làkyàn abi amu Klisto ntòn möö awà mpel, bi ibà baar a ngweel a ngyeb anàsöön baar banswà.

20 Wée yà ndandaa naa Klisto kàwiyà uboo a aku'anà wà mbeŋ atàtweb uboo a baar bàku'.

21 Ntòn, u mbwo a mbuur mwey ukwà waa bayi, abun u mbwo a mbuur mwey sye ngwiiyà a aku'waa yàyi.

22 Ifà imwey baar banswà bàfàkwà amu Adam, amu Klisto sye baar banswà bàsàwal möö,

23 wée mbuur mbuur kà un'lwaan ande: semà akà Klisto, ungo, baar abà amu Klisto, utaan a ngyeel ande.

24 Apan, ntsüü'waa isàya, mpal usàfuur nde imwol akà Taa Nzam, ungo'mudwa imfum kyanswà, iköb kyanswà, ngwal yanswà.

25 Ntòn nde akyer ayaal, tii mpal usàsà nde ayiin ande banswà ungyel a in'kol ande.

26 Un'yiin a ntsüü' bàsàdwà wà ukwà.

27 Ntòn, nde indiir byanswà kàsi ungyel a in'kol ande. Wée uteenà nde naa: « Indiir byanswà byà ungyel a in'kol », iswanà naa mbuur kun'syeel bya ungyel a in'kol mwo watey.

²⁸ Umpal naa indiir byanswà ban'sà ungyel a Klisto, apan Mwan ñakwo asàkal ungyel a mbuur kun'syeel indiir byanswà ungyel, ntòn Nzam ukàl ya yanswà amu baar banswà.

²⁹ Yalàkal naa kà abwey anki, baar bàfàwal ndüümà ntòn aku, ininà balàlen? Isàkal ya ipepey naa aku bàwiya anki, ntòn nkye bàfàwal ba ndüümà ntòn ba?

³⁰ Wée bi ñakwo, ntòn nkye taan lanswà ibà bi u mpay?

³¹ Wée me in'fàkwà ilà byanswà, ya ndandaa sye, aton, naa be làbà uyoł ame amu Yesu Klisto, Mwol abi.

³² Inina me kalàwal munwan a ntsür u Ifeso isàkal naa me kakàl unsa imbuur? Isàkal naa aku bàwiya anki, wey bi idi ana inu, ntòn nkaswo bi ikyer akwà.

³³ Twon balakür: isam ibe ifàbwiy nkaäl anàbwan.

³⁴ Làfuur an'kyän ubwanàbwan, làwey mukyer man'be. Ntòn bamwey Nzam bàyob anki, me ya an'ten ntòn nswen abe.

Ndür a baar bàwiya

³⁵ Wée mbuur mwey ayàten naa: « Aku bàyàwiya aben? Ndür nà ba bàyàfurà ayà? »

³⁶ Insil! Ngye, imben afàkon ngye, kya mumen itwab afàtàkwà.

³⁷ Undiir afàkon ngye, kà un'te awà uyàmen anki, wée imben a ipol, kyà blè itàkal kyà undiir asin.

³⁸ Ungo, Nzam kun'pà ndür, asànaa ukwen nde anà aka imbenj imbenj a ndür akya ñakwo.

³⁹ Akà ndür mwey balàbal yatey anà yumwey: ye anà nsöön uboo a ndür a baar, yà ntsür, yà nen, yà nsö.

⁴⁰ Ye anà ndür a du anà ndür a meen, un'nyäñ a ya wà nsöön,

⁴¹ umwey un'nyäñ a taan, umwey wà nsöñ, umwey wà mbwaar. Mbwaar mwey wà nsöön a mbwaar wumwey unsà un'nyäñ.

⁴² Ya ye abwey sye ntön ngwiiyà a aku: bàfàkòn ndür ifàpöön, ifàwiya ndür mpa ifàpöön.

⁴³ Bàfàkòn ndür a nswen, ifàwiya unsà làkoo, bàfàkòn unsà gyöölà, ifàwiya anàyoöl a ngwal.

⁴⁴ Bàfàkòn ndür a ntsür, ifàwiya ndür a dweelà. Isàkal naa ye anà ndür a ntsür, ye anà ndür a dweelà sye.

⁴⁵ Kyakin, bàsön naa: « Adam, mbuur atàtweb, kàkal ntsür a mbuur, Adam wà ntsüü wà mbuur a dweelà afàpà möö. »

⁴⁶ Wëe undiir wàtätweb, wà ntsür a mbuur, ungo, mbuur a dweelà.

⁴⁷ Mbuur atàtweb kàfù u meen, mbuur wàyweel kàfù du.

⁴⁸ Baar a meen bà ifà imwey anà mbuur bàboom a tòm, baar a du bà ifà imwey anà mbuur kàfù du.

⁴⁹ Ifà imwey naa bi kàbwaär ifà a tòm, bi isàbwaar sye ifà a mbuur a du.

⁵⁰ Atön, ndaa in'ten me ayi: in'twan anà an'kil

màkwe anki mubilà kà Imwol a Nzam, itàkal undiir afàpɔɔn ufàwal anki undiir mpa afàpɔɔn.

⁵¹ Wɛɛ mɛ inkwen mukàlakyään ngyee mwey. Bi banswà isàkwà anki, wɛɛ bi banswà ikyer asàsɔɔmà,

⁵² u mbalà mwey, kà imbuirà imbuirà u saay a mfun. Nton saay a mfun a ntsüü làkyer asàbɛɛr, aku bakyer asàwiyà anà ndür aba mpa isàpɔɔn, wɛɛ bi, bi ikyer asàsɔɔmà.

⁵³ Kyakin, yà naa ndür ifàpɔɔn ibwäär ndür mpa ifàpɔɔn, ndür ifàkwà ibwäär ndür mpa ifàkwà.

⁵⁴ Utaan ndür ifàpɔɔn ayi isàbwaar ya ndür mpa ifàpɔɔn, anà ndür ifàkwà isàbwaar ya ndür mpa ifàkwà, abun isàkwo ndaa bàsɔn naa: « Iboñ kyan'min ukwà.

⁵⁵ « Ukwà, kyàken iboñ angye?

Ukwà, kyàken ikɔb angye? »

⁵⁶ Ukwà ngwal a ba man'be, ngwal a man'be, un'kɔɔn.

⁵⁷ Wɛɛ bi ifuur an'tɔɔn akà Nzam, nde mbuur afàpà iboñ u mbwo a Mwol abi Yesu Klistɔ.

⁵⁸ Kyakin, atɔɔn amɛ bànkwen, làkàl ngwal, làkàl anàtsim, làpɛ mɔɔ taan lanswà unsà isal a Mwol, làyob naa isal abɛ unsà Mwol kà kyà bunàbun anki.

16

Ngim bàkòhà nton Ikööh a Yelusàlem

¹ Ntɔn ndaa a an'kab bàkòṅà ntɔn anjin'kyeel, be sye làlàb nswɛɛn kàpɛ mɛ akà Ikòòṅ a Ngalàtyà.

² Kà ilà atàtweb kyà mpɔsà wanswà, wɛy mbuur mbuur usi ukɔl u ndwà ande undiir kàkwe nde muyee ntɔn mukɔɔn adil ngyeel amɛ mukɔṅ an'kab.

³ Utaan in'yàkal mɛ akun, mɛ in'yàtɔm baar làyàɔɔl be anà in'kaan ntɔn musyen an'kab abɛ u Yelusàlem.

⁴ Isàkal naa yà ubwan sye naa mɛ ṅakwo in'kyen, ba bàsàkyà anà mɛ.

An'kyàn a Pɔl muyilyaan

⁵ Mɛ in'yàya akà be musoonà Masɛdwan, ntɔn mɛ in'yàlyaan kwo.

⁶ Taan lumwɛy mɛ in'yàkal ndam a ilà itàkal panà a mpyee lanswà apà be, ntɔn be lan'pɛ indiir byan'kwo mɛ mulab mbwo amɛ.

⁷ Mbalà ayi mɛ in'kwen anki, mukàlaman taan alyaan mɛ mpɛl, mɛ in'kwen mubwaay anà be ndam a ilà, isàkal naa Mwɔl an'pà mbwo.

⁸ Wɛɛ mɛ in'yàbwaay u Efeso tii kà un'kyɔm a Pantɛkɔt,

⁹ ntɔn mbwo a kolàkòl yan'dubà ntɔn mɛ mukyer isal a ngwal, itàkal naa ayiṅ bà mbɔɔn.

¹⁰ Isàkal naa Tumàtɛ kan'yà, làkyer naa nde ukal anà duu uboo a be, ntɔn nde afàkyer isal a Mwɔl asànaa mɛ.

¹¹ Abun, wɛy mbuur ukɔɔn un'bɛy. Lun'pɛ byàṅàkwo ntɔn nde uyàfurà apà mɛ, ntɔn mɛ anà atɔṅ ibà mukun'dilà.

¹² Ntɔn un'tɔŋ abi Apɔlɔs, mɛ kun'leɛl muyà akà be anà atɔŋ bumwey, wɛɛ nde ukwen anki akà ikikye muyà apanà, nde asayà mpal usàman nde mbwo.

Nswɛɛŋ anà mbɔr a ntsüü

¹³ Làkàl kà igyɛɛŋ, làkàl anàtsim unsà làkwilà, làkàl anà un'kanà, làkàl ngwal.

¹⁴ Làkyer indiir abe byanswà unsà ukwen.

¹⁵ Atɔŋ, nswɛɛŋ yumwey ayi: be làkyàyòb naa Seràfan anà ywar ande bà baar atàtweb mubuul mpem kà Akayi. Ba bàpɛ möö aba musyaäl anin'kyɛl.

¹⁶ Làkyey, baar atub abà anà mbuur wanswà akaäbà isal aba anà mpay aba.

¹⁷ Mɛ in'we anà un'sak muman Seràfan, Förtünatuš anà Akayikuš. Ba bàfwe nköön abe,

¹⁸ ntɔn ba bàleɛl mɛ anà be. Làyòb mukan baar atub abà.

¹⁹ Ikoöŋ a Azi byàmàlapà mbɔr. Akilas anà Priskà, anà Ikoöŋ ifàkòŋ u ndwà aba bàmalatòm mbɔr mbɔɔn unsà Mwɔl.

²⁰ Atɔŋ banswa bamalapà mbɔr.

Làpɛɛl mbɔr be a be unsà ndüür a in'kyɛl.

²¹ Mbɔr ayi yà kɔɔ amɛ ŋakwo, mɛ Pɔl.

²² Isàkal naa mbuur ukwen anki Mwɔl, wɛy nde ukal anàkuül!

Mwɔl abi, yà!

²³ Wɛy kab a ngway a Mwɔl Yesu làkàl anà be.

²⁴ Mɛ be banswà in'kyàlakwen amu Yesu Klistɔ.

Bible Iyansi

The New Testament in the Yansi language of the Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f